

東

窗

集

四

星

書

集

卷

詳校官庶吉士臣 翁樹培

侍讀臣 孫球覆勘

膳錄貢生臣劉錫珪

欽定四庫全書

東窓集卷九

宋 張擴 撰

制四

婕妤慕氏轉婉儀制

勅治自六宮實遴賢才之選名參一品式彰命數之崇  
申錫贊書寵隆邦媛具官慕氏娟靚質惠和秉心蘭  
蘊國香雅高服媚之譽玉由德貴獨厚粹溫之資頃傳  
先朝實勤內助史貽彤管記說懌於無窮秩亞四星侈

光華於近列祗朕渙渥益務欽承

婕妤魏氏轉修容制

勅陰教修明蓋求端於內治宸嚴密勿每稱重於名流  
眷時碩媛之良申錫綸言之渥具官魏氏性柔而靜行  
懿而芳進退循環珮之和婦儀甚謹居處蹈箴圖之訓  
女則惟新頃傳先朝克勤乃職禮先諸御已華弓韉之  
聯秩見上公益峻宮闈之列永保令聞式稱異恩

袁杲除大理寺丞制

勅具官某棘寺設官衆矣皆奉三尺律以從事重人命也惟時臣屬厥選甚高以爾持論之公秉心之恕見於詳讞已試可觀茲惟序遷時亦因任往祇朕命尚勉之哉

周楸除大理寺丞制

勅具官某惟古先哲王明慎用刑好生之仁遠邇周浹雖一時德意之孚亦治獄之官得其人也以爾持心近厚臨事不欺用因其能俾丞棘寺往服明訓益盡心焉

吳梟葉庭珪並除大理寺丞制

勅具官某先王盛時史以獄成告于正正聽之正以獄成告于大司寇司寇聽之夫正之為官舊矣膺是選者可非其人哉以爾梟學識兼明持議不撓以爾庭珪靖共自勵行已有方棘寺為丞效見已試就陞厥次往哉惟欽

李志行燕仰之並大理寺丞制

勅具官某等朕惟好生之德期于無刑擇近厚之人俾

之議獄佐治廷尉莫如諸丞以爾志行持心甚平臨事不苟以爾仰之吏能世濟精敏有聞列職詳刑効見已試就陞厥次因任爾能益究乃心以圖報稱

衛尉寺丞宋維可大理寺丞制

勅某等朕經啓九有寵綏黎苗妙簡羣材外康庶政及勞而賞唯恐後焉以爾等雋軌飛聲慶門濟美當官自竭奏課居多是用進秩天臺升華禮寺或參榮於棘路實並茂於朝恩更勵乃誠以圖來効可

程唐除大理寺丞制

勅古之君子以經術飾吏政以春秋決疑獄夫法固儒者之事也朕鄭重司寇之職遴擇廷尉之選欲其用律咸傳古義令汝往丞于理勉服朕訓學古議事以佐而長

莊同孫除大理寺丞制

勅李寺長屬不專取法家必參用士人仁哉我祖宗之心焉爾恬靜之操溫醇之文頃嘗獻言有益治道頌臺

列屬澹然自守擢丞廷尉其選益高曰欽恤曰審克云  
者皆汝所素講否則一獄吏所決耳豈以煩儒臣哉往  
究乃心嗣有明陟可

前權雄州防禦推官張天占前天平軍節度推  
官知遂州道寧縣事韓鐸前權府州軍事判官  
張禧可並大理寺丞制

勅具官某等或決科從仕或延賞入官並有良吏之資  
外從諸侯之幕臺章言狀銓筦條勞辨職者敏幹可稱

字民者拊循有効用擢王官之列且丞刑寺之職勉思  
後勤勿渝素守可

玉輅黃麾仗成莫將轉左朝奉郎制

勅朕惟國家文物之盛時有車輅旂常之異制藏在官  
府用昭等威肆朕纂承禮文殘闕比詔探討稍新其儀  
揆日度材不愆于素匪我近列疇若予工具官某議論  
詳明風猷敏劭參酌今古以濟事宜善綿絕于一時幾  
鼎新於百度肅彼在列入觀于庭衆志惟熙蓋上考周

公之典羣目所視咸喜見漢官之儀用褒陟於文階以  
增華於從橐往祇朕命益勵乃心

莫將復左朝奉郎制

勅具官某服在近班居多令譽議論甚偉善專對于四  
方聲猷益孚遂升華於八座

張子儀轉右朝奉郎制

勅具官某以爾婉畫與聞小心可倚周旋之久見謂賢  
勞宜頒增秩之恩以最第功之賞

徽宗皇帝冊寶轉左朝奉郎制

勅具官某朕欽惟徽考謚號未稱無以光昭先烈乃稽故事奉上冊寶一時制作繁縵工是賴以爾彊識博聞練達國典在公夙夜帥屬惟勤迄茲禮成宜舉明賞增秩一等用勸爾能

郭旦降左奉議郎制

勅具官某筦庫之利科條浩繁檢校拘催實賴能吏爾為郡丞懜不更事奉命怠忽寢失關防使者以聞既從

吏議鑄秩二等尚務省循

趙抗轉右奉議郎制

勅具官某朕比遣侍從將使指於京畿之西爾為之屬  
克祗厥事宜頒信賞以旌其勞增秩之榮益思報稱可  
費植換給左奉議郎制

勅具官某間者屯兵陝西取給蜀道爾以健敏與有勞  
能俾增厥官以為趨事者之勸

孟子禮轉右奉議郎王伯序万俟允中並轉右

承直郎王護轉右文林郎制

勅具官某

上詞同

幹敏得人事無不濟肆增厥秩用旌爾

勤

李汝明轉右奉議郎制

勅具官某朕比下鬻田之令以佐國用汝能究心不擾而事集推此可以觀百里之政矣何愛一官以示旌勸

周聿復右奉議郎制

勅

上詞同

具官某早以才猷屢膺任使為卿棘寺議刑高

平允之稱贊治民曹裕財善阜通之術

下同

李易除給事中制

勅言揚德進朝廷實萃於羣賢地禁職親東西尤嚴於兩  
省矧黃扉乃出納之地而夕郎專論駁之司儻非其人  
豈以輕授具官某蘊自得之學負兼人之材名先諸儒  
文配前哲訂曲臺之禮論必據經守柱史之官言皆有  
法進掌絲綸之久益殫潤色之工其更瑣闥之嚴以高  
殿內之列往思舉職奚俟予言